

Акафист Крещению (Богоявлению) Господню



Кондак 1.

Возбранный Воевода, Царю неба и земли, Тебе Просветителя нашего зряще во Иордане от раба крещаем, небеса ужасошася, и вся земля вострепетá, Ангели же удивишася и вся тварь возрадовася. Мы же недостойнии благодарственно Тебе вопием: ко грешником и мытарем явился еси, да водами омьёши человеков грехи.

Слава Тебе, Сыне Божий, во Иордане Крестивыйся и весь мир просвещей, слава Тебе.

Икос 1.

Ангельския днесь предгрядите силы, Владыку Христа зряще, ко Иорданским струям грядуща Адамов грех очисти, и смотряще толикое Божие таинство, со страхом прославите велие снисхождение Его, яко Бог человеком уподобися и отнюдь не ведый греха приходит, яко Агнец Божий взяти всего мира грехи. Сего ради прославляюще Божественное явление Христово, воспойте Ему якоже и в Вифлееме славословия сицевая:

Слава Тебе, Сыне Божий, от Отца с небес в мир сей пришедый; слава Тебе, Превышний Боже, даже до рабья зрака снизшедый.

Слава Тебе, Спасителю мира, яко человек ко Иоанну крестится грядый; слава Тебе, Просветителю твари, яко нов Адам падшаго Адама грехи на Себе понесый.

Слава Тебе, Безначальный Свете, велию зарю просвещения всему миру на Иордане возсияти восхотевый; слава Тебе, Солнце Правды, светоносное утро благодати человеком в Богоявлении Твоём даровати возжелавый.

Слава Тебе, мир от древня прелести омьити пришедшему; слава Тебе, велие благочестия таинство нам показавшему.

Слава Тебе, чудеса велия нам водами многими сотворившему; слава Тебе, небеса и всю землю светом разума просветившему.

Слава Тебе, фараона мысленнаго в струях Иорданских потопившему; слава Тебе, новья люди в водах крещения к вечной жизни приведшему.

Слава Тебе, Сыне Божий, во Иордане Крестивыйся и весь мир просвещей, слава Тебе.

Кондак 2.

Видев дѹхом Божественный Предтеча Твое, Христѣ, в мѣр пришествіе, прииде из пустыни на Иордан, свѣтло людем вопія: Приблѣжися и явѣся Избавленіе наше, покайтеся и водою очѣститесь, и срѣсти Егѡ потщитесь, да чѣстыми помышленіи просвещаемы, душами чѣстыми и нескверными усты с весѣлием воспойте Емѹ: Аллилуѣа.

Ўкос 2.

Разум небесный в себѣ являя, свѣтѣльник Свѣта, великий Предтеча, возопѣ к людем: Очѣститесь, се бо предгрядѣт Христѡс от тлѣ мѣр избавляя, разрешити осужденіе Адама Первозданнаго. Да возрадуется пустыня Иорданова и да процветѣт, яко крѣн, земля же вся ныне прорѡчески да возрадуется. Уготовайте пѹть Господень и правы сотворите стезѣ Бѡга нашего, вси с весѣлием возопѣйте Емѹ тако:

Слава Тебѣ, неизреченный Свѣте, от свѣтѣльника мѣру предьявленный; слава Тебѣ, Непостижимый Слове, от гласа Твоегѡ Предтечею предреченный.

Слава Тебѣ, Огнѣю очистительный, Егѡже дѣйством всякая нечистота потребляется; слава Тебѣ, Источниче Благодатный, Ёмже всякое естество человеческое освящается.

Слава Тебѣ, Творче неба и земли, от раба креститися восхотѣвый; слава Тебѣ, Сыне Единородный, на Иордан явитися изволивый.

Слава Тебѣ, Царю Правды, у Негоже Предтеча ремень сапогѹ разрешити убоися; слава Тебѣ, Владыко твари, Ёмже весь рѡд человекъ в Крещеніи Твоемъ возвеселѣся.

Слава Тебѣ, Превѣчный Бѡже, яко Явленіе Твое просвещает и вразумляет младенцы; слава Тебѣ, Свѣте мѣра, яко пришествіе Твое просветляет и умудряет слепцы.

Слава Тебѣ, яко у Тебѣ Источник животѡ; слава Тебѣ, яко во свѣте Твоемъ узрим свѣт.

Слава Тебѣ, Сыне Бѡжий, во Иорданѣ крестивыйся и весь мѣр просвещей, слава Тебѣ.

Кондак 3.

Сілу Божества Твоего, Христе, уразумев Предтеча, егда со страхом увиде Тя на Иордан пришедша, радуется душею и трепещет, рукою показуя Тя, и глаголет людем: Сей — избавляяй мир от исления. Сей — свободяй нас от скорби. Сей — вместо рабов, сыны Божии нас соделовает. Сей — вместо тьмы просвещает человеки водою Божественнаго Крещения. Се — Агнец Божий Возмляй грехи мира, Егоже сретяюще, вопиём: Аллилуиа.

Икос 3.

Имя богатство милосердия, ко грешником и мытарем на Иорданскую реку пришёл еси, Иисусе, не терпел бо еси зрети от диавола мучимый род человекъ, но пришёл еси, да паки речеши падшему Адаму: «Где еси? Не скрывайся от Мене. Хочу бо видети тя, аще наг еси и нищ, и тако уподобихся тебе, да не стыдишия». Сего ради проповедуем велие снисхождение Твое, вопиюще Тебе таковая:

Слава Тебе, Пастырю Добрый, заблуждшее овча взыскати восхотевый; слава Тебе, Сыне Единородный, понести тое на рамах пришедый.

Слава Тебе, Милосте Безмерная, к человеку падшим долу низшедый; слава Тебе, Любы Неизреченная, люди отчаянныя паки горе возведый.

Слава Тебе, руки ослабленныя нищим укрепляяй; слава Тебе, колена разслабленныя убогим исцеляяй.

Слава Тебе, пустыню жаждущую яко Ливан возвеселивый слава Тебе, пустыню Иорданову, яко Кармил произрастивый.

Слава Тебе, Милостиве, яко льна курящаяся не угасиши; слава Тебе, Долготерпеливе, яко трости сокрушенныя не погубляеши.

Слава Тебе, взыскати и спасти погибшия пришедый; слава Тебе, Адама отриновеннаго призвати восхотевый.

Слава тебе, Сыне Божий, во Иордане крестивыйся и весь мир просвещей, слава Тебе.

Кондак 4.

Бурею помышлений сумнительных исполнен бысть Предтеча, Христэ Царю, егда Ты, яко человек на реку пришёл еси и рабское крещение от него прияти восхотёл еси, глаголя: простри руку твою и прикоснися верху Моему и ужас весь оттряси, совершая повеленное. Трепетен бысть тогда Предтеча и возопи, глаголя: Что к рабу пришёл еси, скверны не имый, Господи? Что ми повелеваеши, якоже выше мене? Высоты небесныя никакоже изследих звезд число, ниже землю николже измерих. Како крещу Носящаго горстию тварь? Како просветит светильник Света? Како руку положит раб на Владыку? Аз требую Тобою креститися, да воспою Тебе: Аллилуиа.

Икос 4.

Слыша Человеколюбец Господь смиренных Предтечевых глагол высоту и виде страх его, рече к нему: добре, о Иоанне, яко благоговееши предо Мною, обаче остави ныне и отложи боязнь твою, должен еси послужити Ми, тако бо подобает нам исполнити всяку правду, да во Мне человеков очистятся греси. Сему человеколюбному слову Твоему внемлюще, с любовью вопием Тебе сице:

Слава Тебе, Христэ, Свете истинный, яко милость и истина о тебе сретостеса; слава Тебе, Царю правды, яко правда и мир о тебе облобызастася.

Слава Тебе, Сладчайший Иисусе, яко истина Твоя в Вифлееме от земли возсия; слава Тебе, Всемилостивейший Спасе, яко правда Твоя во Иордане с небесе приниче.

Слава Тебе, Очищение наше, яко водами крещения нас паче снега убеляеши; слава Тебе, Просвещение наше, яко струями благодати сердце чисто в нас созидаеши.

Слава Тебе, преклонивый снихождением Небеса, главу Свою под руку Предтечеву преклонити восхотевый; слава Тебе, Покрывавай водами превыспренняя Своя, в водах Иорданских погрузитися благоволивши.

Слава Тебе, Господи сил, Егоже вся боятса и трепещут, велию боязнь Предтече отложити повелевый; слава Тебе, щедрот Отче, у негоже милость безмерна и неизследованна, милостию Своею грехи мира покрыти изволивый.

Слава Тебе, рождейся от Девы, Спасителю наш, посети нас неизреченным снихождением Твоим; слава Тебе, явлейся всему миру, Христэ Боже наш, освати нас Божественным явлением Твоим.

Слава Тебе, Сыне Божий, во Иордане крестивыйся и весь мир просвещей, слава Тебе.

Кондак 5.

Боготечная Струя сый благодсти, Господи, в струи Иорданския возшел еси, да водами омьеши человеческий грех: Ужас бе видети Творца небеси и земли в реце обнажшагося и от раба крещение приемлющаго. Ангельския силы дивляхуся, Иордан же река возвращаше струи свои, не могуще терпети огня поядущаго воды его, яко не обычно ему есть Чистаго измывати и Безгрешнаго отирати. Сего ради веселися Иордане реко, и да радуются источники и езера, и вся бездны и моря, яко освятися днесь водное естество, свободившися от таящагося тамо князя тьмы, и вся тварь веселящися да поет с нами: Аллилуиа.

Икос 5.

Видев Тя Божественный Иоанн Владыку твари в водах погружаема, да грехи всего мира погрузиши, и, обнажившагося, да Адамову наготу паки облечеши во одежду славы, вострепетая душею и возопи Тебе, Агнцу Божию, очищающему согрешения мира: «Не смею прикоснуться верху Твоему, Владыко, Сам мя освети и просвети, яко Ты еси Живот и Свет и Мир миру». Обаче по глаголу Твоему со страхом возложи десницу свою на Божественную главу Твою, и крестив Тя, Безгрешна суща, с радостию возопи Тебе сице:

Слава Тебе, Агнче Божий, грехи всего мира взяти на Себе пришедый; слава Тебе, Спасе Милосердый, грехи всех человек потопити в водах Иорданских восхотевый.

Слава Тебе, нас от скверны греховных омывый; слава Тебе, преступление Адамово разрешивый.

Слава Тебе, Твоим на земли Богоявлением всех человек возвеселивый; слава Тебе, Твоим во Иордане Крещением весь мир просветивый.

Слава Тебе, нас ради до образа рабскаго обнищавшему; слава Тебе, Твоею нищетою нас Обогадившему.

Слава Тебе, вражие владычество Твоим смирением до конца низложившему; слава Тебе, Царство Божие во Твоем крещении яве на земли соиздати начавшему.

Слава Тебе, путь Спасения на Иордане падшим людем показавшему слава Тебе, Свет Боговедения тамо верным Твоим возсиявшему.

Слава Тебе, Сыне Божий, во Иордане крестивыйся и весь мир просвещей, слава Тебе.

Кондак 6.

Проповѣдникъ дѣвннй и Предтеча Иоаннъ многая изрече приходѣющимъ людемъ, во еже уготовати Тебѣ путь, Господи, обаче умолче, Тебѣ на Иорданъ пришедшу, зане Ты Самъ рекъ еси ему: «Не глаголю тебе: рцы Ми, яже глаголеши беззаконнымъ и учиши грѣшники, точию кресты Мя молча». Не подобаше бо глаголу человеческому возглашати, пришедшу Слову Божию и толикому таинству совершающуся, егда Ангели Божии со страхомъ предстояху и вся тварь вострепетала. Сего ради и мы в молчании глубокоемъ и со многымъ благоговѣниемъ вопиѣмъ въ сердце своемъ: Аллилуиа.

Икос 6.

Возсия на Иорданѣ всему миру просвѣщеніе велие и таинство страшное егда, Владыко Христе, крестився отъ Иоанна, Ты абие возшелъ еси отъ воды, «совозводя съ Собой миръ», и се отверзшася Тебѣ небеса, яже древле Адамъ затвори себѣ и сущимъ отъ него, да паки въ рожденіи Тобой человецы восхожденіе улучатъ въ райскія обители, идеже съ радостію да воспойтъ Тебѣ сице:

Слава Тебѣ, Царю мира, средостеніе вражие разрушившему; слава Тебѣ, милости Подателю, рай преслушаніемъ затворенный, паки отверзшему.

Слава Тебѣ, небо грехомъ заключенное, на Иорданѣ паки отверзсто показавшему; слава Тебѣ, Ангелы восходящія и нисходящія отселе явити обетовавшему.

Слава Тебѣ, схождениемъ Твоимъ небеса до земли приклонившему; слава Тебѣ, крещеніемъ Твоимъ землю до небесъ возведшему.

Слава Тебѣ, откровеніемъ небесъ неизреченной тайны Божия всему миру открывшему; слава Тебѣ, явленіемъ горняго мира Святѣйшее благословеніе Божие всемъ вернымъ преподавшему.

Слава Тебѣ, небеса при Илиѣ заключившему, не заключаи намъ двѣри милосердія Своего; слава Тебѣ, небеса на Иорданѣ отверзшему, отверзи намъ входы Божественнаго Чертога Твоего.

Слава Тебѣ, бездну человеколѣбія при Крещеніи Твоемъ намъ явившему, возведи отъ безднъ земли всехъ до вражия отчаянія дошедшихъ.

Слава Тебѣ, восходъ до третьяго небеса избраннымъ Твоимъ сотворившему, вознеси въ небесныя обители и насъ, до глубины греха ниспадшихъ.

Слава Тебѣ, Сыне Божий, во Иорданѣ крестивыйся и весь миръ просвещей, слава Тебѣ.

Кондак 7.

Хотяй Человеколюбец Господь спасти мир во гресех погибающий, яви Троическаго Богоявления Своего великое таинство, и якоже в начале мирскаго бытия Дух Божий ношашеся верху воды, яко жизни Податель, тако и при крещении Твоём, Господи, егда на реце Иорданстей восхотел еси обновити и просветити погибающий род человець и всю тварь с нами совоздыхающую, Той же Дух Святыи паки сниде с небеси отвёрста в виде голубине и почи над Тобою, Господи, яко над новым Адамом, во еже пребывати отныне в новых людех банею водною возрожденных, да тако силою свыше облеченнии во обновление духа ходити начнут, поюще Богу: Аллилуиа.

Икос 7.

Новую показал еси тварь, Владыко твари, в Твоём от Иоанна спасительном крещении, зане яко при Нои потопил еси грехи перваго мира, тако и в водах Иорданских паки потопил еси всего мира грехи, новотвориши бо земнородныя огнем и Духом и водою, странное совершая возрождение и обновление чудное. Духом бо новотвориши души, водою же освящаеши тело, назидая человека, и тако таинственно от воды соделоваеши Духом многочадну Церковь, да присно вопием Тебе таковая:

Слава Тебе, Создателю твари, небеса приклонившему и на Иордан снизшедшему; слава Тебе, Спасителю мира, небеса отвёрзшему и Духа Божественнаго нам явившему.

Слава Тебе, Всеблаже, яко Дух Твой Благий наставит нас на землю праву; слава Тебе, Всещедре, яко Тойже Дух Твой очистит нас от всякия скверны.

Слава Тебе, водою и Духом, обветшавшее грехом естество наше обновившему; слава Тебе, огнем Божества в струях Иорданских многосветлое просвещение даровавшему.

Слава Тебе, Христе, вся Божественныя силы, яже к животу и благочестию, Духом Твоим Святым при крещении верным преподававшему; слава Тебе, Иисусе, Нисшествием Духа Твоего Святаго причастники нас Божественнаго естества Сотворившему.

Слава Тебе, почившим на Тебе Духом Премудрости и Разума чистое Боговедение людем открывшему; слава Тебе, сходянием на Тя Духа Божия дух совета и крепости, ведения и благочестия и дух страха Божия нам излившему.

Слава Тебе, Иорданскою струею змиевы главы опалившему; слава Тебе, явлением Духа Божия в виде голубине к голубиной кротости и чистоте девственной нас призывавшему.

Слава Тебе, Сыне Божий, во Иордане крестивыйся, и весь мир просвещей, слава Тебе.

Кондак 8.

Странно и дивно бѣсть явлѣние святѣя Троицы на Иорданѣ: пѣрвее Сын Возлюбленный явился во плоти от раба крещаемый, а́бие Дух Святы́й сниде в виде голубине, последѣ же Пребожественный Отец возгласѣ с небесѣ, свидѣтельствуя: «Сей есть Сын Мой Возлюбленный, о нем же благоволих». О, велие и преславное таинство: «Возгремѣ с небесѣ Господь и Вышний даде глас Свой», да сбудется Давида праотца предречѣние: «Глас Господень на водах, Бог Славы возгремѣ, Господь на водах многих. Глас Господень в крепости, Глас Господень в великолѣпии». Сего ради и мы недостойными устами вопиѣм Тебѣ из глубины души: Аллилу́иа.

Икос 8.

Весь еси в вышних, Иисусе, выну со Отцем на небесех соседяй, но и от нижних никакоже отступяеши, плотию от Чистыя Девы в Вифлееме рожденный, ныне же на Иорданѣ всему миру явивыйся, да сущи во тьме и сени смертней седящая просветиши светом Твоего Богоявления. Сего ради, просветившеся светом Троическаго Откровения, вопиѣм Тебѣ, явившемуся Богу, и на земли виденному и просветившему мир:

Слава Тебѣ, Сыне Божий, в Вышних со Отцем и Духом покланяемый; слава Тебѣ, Сыне Отець, Предтечею от нижних славословимый.

Слава Тебѣ, седый одесную Отца, Отческим гласом с небесѣ проповѣданный слава Тебѣ, воплотивыйся нас ради, возлюбленным Сыном Божиим от Того всему миру наименованный.

Слава Тебѣ, во Иорданских струях явленный, Троицы Свет незаходимый в Крещении Твоем Показавый; слава Тебѣ, дланию раба крещенный, нас рабов сущих банею пакибытия сына Божия сотворивый.

Слава Тебѣ, Источнике жизни и безсмертия, паки рождением водою и Духом к первому блатородию райскому нас приведый; слава Тебѣ, Творче неба и земли, огненным крещением новое небо и землю правды Твоея устроити грядый.

Слава Тебѣ, Востоке востоков, во тьме и сени спящая Крещением Твоим просветивый; слава Тебѣ, Свете от Света, Свет незримый Духа Твоего в душах наших возсиявый.

Слава Тебѣ, Царю Безначальный, чистыми струями Крещения Твоего прародительский грех всеконечно омывый; слава Тебѣ, Владыко твари, жаждущия люди водою жизни вечныя всебогато напоивый.

Слава Тебѣ, Сыне Божий, во Иорданѣ крестивыйся и весь мир просвещей, слава Тебѣ.

Кондак 9.

Всё естество Ангельское удивися великому Твоего, Христе, Богоявления таинству: Адама бо грехом истлѣвшаго обновил еси Иорданскими струями и главы гнездящихся тамо невидимых змиев сокрушил еси во Твоем Крещении, и тако «глубины бездны сатанинския» открыл еси «дно», да избавиши ны от тоя «глубоких вод», и да начнеши соиздати Царство Твое, не от мира сего сущее, о нем же пророк Давид предрече, глаголя: «Царство Твое — царство всех веков и Владычество Твое — во всяком роде и роде», егоже и мы прославляюще с вои небесными вопием Тебе: Аллилуиа.

Икос 9.

Вития Божественный и Ангел Божий, Малахией предреченный, Великий Предтеча един точно от человек сподобися, Господи, во Твоем Крещении Духа пришествие видети и глас Отеческий с небес слышати, свидетельствующий Твое Богосыновство, да будет первый всему миру проповедник Троическаго Богоявления. Той во утрий день свидетельствовал людем, глаголя: «Видех Духа Сходяща, яко голубя с небес, и пребысть на Нем... И аз видех и свидетельствовал, яко Сей есть Сын Божий». Мы же сему богооткровенному свидетельству внимлюще, прославляем Богоявление Твое, Христе, поюще Тебе таковая:

Слава Тебе, Боже Предвечный, явлением Святаго Духа свидетельствованный с небес; слава Тебе, Агнче Непорочный, гласом Предтечи проповеданный на земли.

Слава Тебе, Крепосте Высочайшая, отверзтыми над Иорданом небесными вратами затворенный рай нам открывшему; слава Тебе, Милосте Предвечная, Крещением Твоим новый мир от вод Иорданских человеком явившему.

Слава Тебе, Царю мира, мир и спасение на земли возвестившему; слава Тебе, Солнце Правды, свет правды Твоея в душах наших возсиявшему.

Слава Тебе, Святаго Духа в Твоем Богоявлении явившему, да чистым духом в небесный чертог Твой совнидем; слава Тебе, Небеснаго Отца в Крещении Твоем нам показавшему, да вси право в Тя верующии сынове Его будем.

Слава Тебе, в Дусе и огне, очерневшее грехом естество наше преславно просвещающему; слава Тебе, водою и Духом истлѣвшее страстьми немощение наше пресветло очищающему.

Слава Тебе, Богу явльшемуся плотию, весь мир в струях Иорданских обновившему; слава Тебе, вземльшему на себе грехи мира, прародительский грех в водах Крещения потопившему.

Слава Тебе, Сыне Божий, во Иордане крестивыйся, и весь мир просвещей, слава Тебе.

Кондак 10.

Спасти хотяй падшее и обнищавшее естество наше, Христэ Спасе, на Иорданскую реку пришёл еси ко грешником и мытарём и восприял еси крещение от Иоанна, егда крестяшася вси людие, да возмеси на Себе вся, погружённые тамо в водах, человеков грехи, яко Агнец Божий и да готов будеши отселе волею на заклание тещи искупити всего мира грехи драгоценною кровию Твоею. Сего ради и погрузился еси в Иорданския струи, да спогребшися тамо, ко смертному крещению Себе уготовиши, о нёмже рекл еси ко страданию Грядый: «Крещением имаю креститься и како томлюся, дондеже истяжут». Сего ради благодарственно поём Тебе: Аллилуиа.

Икос 10.

Царю Превечный Христэ Иисусе! Ты пришёл еси на Иордан во явление всему миру, да разрешиши осуждение Адама первозданнаго, яко Судия Всемилостивый, Един сердца всех испытуяй, и да подаси новую жизнь человеком. Сего ради чистительную лопату рукою приём, всемирное гумно всемудре очисти еси, разлучая, яко Пастырь, овцы от козлиц. Сподоби и нам, во имя Пресвятыя Троицы крещённым, десныя части спасаемых в жизни сей всемерно искати, да угодно Тебе будет наше глашение Тебе сицевое:

Слава Тебе, Архиерею, небеса прошедый, в Крещении Твоём всю землю небесивый; слава Тебе, Пастырю овцам Великий, ко стаду Твоему на Иордан пришедый.

Слава Тебе, землю на водах основавый, всю землю нашу на водах Иорданских благодатию Духа обновивый; слава Тебе, над водами небо утвердей второе, новое небо Церковь Твою водами Крещения сотворивый.

Слава Тебе, Источнике жизни нашея, на источники спасения жаждущия люди Твоя призывавый; слава Тебе, Проповедниче правды вечныя, духовную жажду нашу без цены и сребра утоливый.

Слава Тебе, яко богат Сый в милости, за премногую любовь нас возлюбил еси; слава Тебе, яко мёртвых нас сущих грехми, водами крещения оживотворил еси.

Слава Тебе, струям Иорданским спогребшемуся, да и мы в крещении в смерть и воскресение Тебе спогребёмся; слава Тебе, водами Иорданскими, яко ризою облечшемуся, да и мы в светлыя ризы правды и чистоты Тобою облечёмся.

Слава Тебе, средостение вражды Плотию Твоею разрушившему, да и нас, далече в море сущих, близ Себе устроиши; слава Тебе, твоих человек во едином Тэле Твоём примирившему, да и нас странных и пришельцев во единую Церковь Божию созиждеш.

Слава Тебе, Сыне Божий, во Иордане крестивыйся и весь мир просвещей, слава Тебе.

Конда́к 11.

Пѣние новолѣпное да поёт Тебѣ, Христѣ, вся твѣрь, от Дѣвы рождшемуся и днѣсь во Иорданѣ крестившемуся, людіе же всѣ духовно да возвеселятся, прославляюще свѣтлое просвѣщенія нашего торжество и с божественным Григóriем да воспоёт, глаголюще: «Возрожденія время — возродимся свѣше, возсозданія день — облечѣмся в Новаго Адама, просвѣщенія праздник — просветимся божественне», да во обновленіи дѹха ходити начнем, вѣну со Ангелы поюще небѣсную пѣснь: Аллилу́иа.

И́кос 11.

Свѣтлый и Самоси́янный Свѣте, Христѣ, Соприсносу́щный Свѣте Единосу́щнаго Отца́! Возжѣг посреди́ Иордана, яко Твою́, свѣти́льник, пречистую Плоть Твою́, Ты возсия́л еси́, яко Со́лнце и дарова́л еси́ вселенней в Крещеніи Твоёмъ вѣлий и незрѣмый свѣт Твоея́ благода́ти и истины, просвещая́ всякаго человека́ грядущаго в мір, да людіе сидящие во тьмѣ и сѣни смѣртной узрятъ свѣт вѣлий и пойдутъ по нему́. Просвети́ убо в вели́кий день Свѣтов и насъ во тьмѣ грѣха́ ещё блужда́ющих, да просветля́ясь, обновля́ясь и возвыша́ясь горѣ, воспоёмъ Тебѣ такова́я:

Сла́ва Тебѣ, Просветителю́ міра, Ду́хом Святы́м и огнёмъ крестити́и прише́дшему; сла́ва Тебѣ, Спасителю́ грѣшныхъ, из глубины́ грѣха́ насъ воздвигну́ти восхотѣ́вшему.

Сла́ва тебѣ, Безнача́льный и Присносу́щный Свѣте, скверну́ ду́ш нашихъ вода́ми крещенія очища́яй; сла́ва Тебѣ, Свѣте превѣсший́ всѣхъ свѣтлостей, во свѣтлостехъ свята́хъ Твои́хъ вѣрныя озаря́яй.

Сла́ва Тебѣ, Сла́вы О́тчия Сія́ние, тьму́ невѣденія явлѣниемъ Твои́м разгна́вшему; сла́ва Тебѣ, во Свѣте живы́й непристу́пнемъ, Свѣтъ боговѣденія Крещеніемъ Твои́м возсия́вшему.

Сла́ва Тебѣ, Свѣте от Свѣта во тьмѣ возсия́вый, от тьмы́ грѣховъ очисти́ насъ; сла́ва Тебѣ, Со́лнце Пра́вды, утро спасенія́ возвеща́ющее, во свѣте до́брыхъ дѣлъ наста́ви насъ.

Сла́ва Тебѣ, Невечѣрний Свѣте, во Иорданѣ возсия́вый, во Свѣте Твоёмъ Свѣт незаходи́мый Пресвяты́я Трои́цы облиста́й намъ; сла́ва Тебѣ, образу́ Пресвѣтлый́ Ипостáси О́тчия, к чудному́ нестарѣемому́ животу́ ба́нею пакибы́тія приведи́ насъ.

Сла́ва Тебѣ, смѣрти Низложи́телю, от вѣчны́я смѣрти изба́ви насъ; сла́ва Тебѣ, живота́ Нача́льниче, к вѣчной жи́зни наста́ви насъ.

Сла́ва Тебѣ, Сы́не Бо́жий, во Иорданѣ крестивы́йся и весь мір просвещѣ́й, сла́ва Тебѣ.

Кондак 12.

Благодать Божия спасительная всем человеком явися днесь во Твоём Крещении, Христэ Спасе: пришёл бо еси на Иордан, Еди́не Чистый, очисти́ти челове́ческая согрешения и сокруши́ти главы́ гнездящихся та́мо змиев, да да́руеши благодать крещения́ реши́тельную ду́ш и телес на́ших. Сего́ ра́ди с благоче́стием притеце́м приле́жно к пречи́стым исто́чником, да почерпе́м с весе́лием во́ду жи́зни, благодать бо Ду́ха неви́димо подаётся́ все́м ве́рно почерпа́ющим ю́, и та́йная дарова́ния и Ду́х позна́ния, Спасе, та́ вси благода́рственно воспоём Тебе́: Аллилу́иа.

Икос 12.

Пою́ще, Христэ, Твоё спасительное Богоявление, прославляем вси во Иорданских водах от Иоанна Божественное Крещение Твоё, поклоняемся неизречённому к па́дшим челове́ком снисхожде́нию Твоему́ и ве́руем со Предте́чею, я́ко Ты́ вои́стину — А́гнец Бо́жий, Взе́мляй на Себе́ от во́д Иорданских грехи́ всего́ ми́ра, да омы́еши и иску́пиши их Пречи́стою Кро́вию Твоею́. Сего́ ра́ди мо́лим Тя́: понеси́ и на́ши безчи́сленныя грехопаде́ния и не лиш́и нас в вели́кий де́нь Све́тов благода́тного возрожде́ния Твоего́, да чи́стым се́рдцем благода́рственно вопие́м Тебе́ си́це:

Сла́ва Тебе́, Сы́не Бо́жий, ве́лий све́т к просвеще́нию всего́ ми́ра в водах Иорданских возсия́вшему; сла́ва Тебе́, Предвечный Бо́же, ве́лию благодать и человеколю́бие в Креще́нии Твоём все́м челове́ком яви́вшему.

Сла́ва Тебе́, Спаси́телю заблуждших, заблуждшия безпу́тием челове́ки ко Иорданским струя́м иска́ти прише́дшему; сла́ва Тебе́, Победите́лю жи́зни, но́вую чи́стую жи́знь не по плóти, но во обновле́ние ду́ха дарова́ти благоволи́вшему.

Сла́ва Тебе́, Влады́ко Живота́ и сме́рти, жа́ло сме́рти притупи́вшему и нетле́нную жи́знь явле́нием своим возсия́вшему; сла́ва Тебе́, Тво́рче не́ба и земли́, го́рнее не́бо и зе́млю на берега́х Иордана́ в Креще́нии Твоём возвесели́вшему.

Сла́ва Тебе́, Царю́ ца́рствующих, я́ко ца́рство ми́ра сего́ отсе́ле в Ца́рство Твоё начина́ет прелага́тися; сла́ва Тебе́, Го́споди го́сподствующих, я́ко днесь все́м хотя́щим спасти́ся небеса́ отверза́ются и все́ естество́ на́ше начина́ет убеля́тися.

Сла́ва Тебе́, Спасе́ на́ш, на Иордан прише́дый, спаси́ нас не от де́л пра́ведности, но по вели́цей Твое́й ми́лости; сла́ва Тебе́, Христэ́ Бо́же, водно́е естество́ освяти́вый, жа́ждущую ду́шу мою́ благоче́стия напо́й вода́ми по неизрече́нной Твое́й бла́гости.

Сла́ва Тебе́, Единоро́дный Сы́не и Сло́ве Бо́жий, напитáй се́рдце моё́ явле́нием словес Твои́х; сла́ва Тебе́, Всеси́льный Бо́же, Твори́й чудеса́ Еди́н, согре́й хла́дную ду́шу мою́ разуме́нием чудес Твои́х.

Сла́ва Тебе́, Сы́не Бо́жий, во Иорда́не крести́выйся и ве́сь ми́р просвеще́й, сла́ва Тебе́.

Кондак 13.

О, Иисусе Христе, Агнче Божий, пришедый на Иордан подъяти всего мира грехи! Приими малое сие от всея души приносимое Тебе моление наше, и просвети нас во тьме грехов сидящих спасительным Твоим от Иоанна Крещением, да искуплении Тобою от болезней душевных и телесных, во обновлении жизни право ходити начнем и со всеми святыми да воспоём Тебе: Аллилуиа.

Этот кондак читается трижды, затем икос 1-й и кондак 1-й.

Икос 1.

Ангельския днесь предградите силы, Владыку Христа зряще, ко Иорданским струям грядуща Адамов грех очистити, и смотряще толикое Божие таинство, со страхом прославите велие снисхождение Его, яко Бог человеком уподобися и отнюдь не ведый греха приходит, яко Агнец Божий взяти всего мира грехи. Сего ради прославляюще Божественное явление Христово, воспойте Ему якоже и в Вифлееме славословия сицевая:

Слава Тебе, Сыне Божий, от Отца с небес в мир сей пришедый; слава Тебе, Превышний Боже, даже до рабья зрака снизшедый.

Слава Тебе, Спасителю мира, яко человек ко Иоанну крестится грядый; слава Тебе, Просветителю твари, яко нов Адам падшаго Адама грехи на Себе понесый.

Слава Тебе, Безначальный Свете, велию зарю просвещения всему миру на Иордане возсияти восхотевый; слава Тебе, Солнце Правды, светоносное утро благодати человеком в Богоявлении Твоём даровати возжелавый.

Слава Тебе, мир от древния прелести омьти пришедшему; слава Тебе, велие благочестия таинство нам показавшему.

Слава Тебе, чудеса велия нам водами многими сотворившему; слава Тебе, небеса и всю землю светом разума просветившему.

Слава Тебе, фараона мысленнаго в струях Иорданских потопившему; слава Тебе, новья люди в водах крещения к вечной жизни приведшему.

Слава Тебе, Сыне Божий, во Иордане Крестивыйся и весь мир просвещей, слава Тебе.

Кондак 1.

Возбранный Воевода, Царю неба и земли, Тебе Просветителя нашего зряще во Иордане от раба крещаем, небеса ужасошася, и вся земля вострепетá, Ангели же удивишася и вся тварь возрадовася. Мы же недостойнии благодарственно Тебе вопиём: ко грешником и мытарем явился еси, да водами омьеши человек грехи.

Слава Тебе, Сыне Божий, во Иордане Крестивыйся и весь мир просвещей, слава Тебе.

Молітва.

Господи Иисусе Христе, Сыне Божий Единородный, от Отца прежде всех век рожденный, Свете от Света, просвещающий всяческая, в последняя же лета от Пресвятыя Девы Марии нетленно воплощенный и в мир сей на спасение наше пришедый! Ты бо не потерпел еси видети от диавола мучима рода человека и сего ради в пресветлый день Богоявления Твоего пришел еси на Иордан ко грешником и мытарем креститися от Иоанна, безгрешен сый, да исполниши всякую правду и да возмеша в водах Иорданских грехи всего мира, яко Агнец Божий, во еже понести я на Себе и искупити Крещением крестным, пречистою Кровию Твоею. Сего ради погружившуся Тебе в водах, отверзлася Тебе небеса Адамом заключенная и Дух Святыи сниде на Тя в виде голубине, просвещение и обожение носяи естеству нашему, и Пребожественный Отец Твой возвести Тебе небесным гласом благоволение Свое, зане сотворил еси волю Его и человек грехи восприял еси и Себе на заклание уже предуготовал еси, якоже Сам рекл еси: «Сего ради любит Мя Отец, яко аз душу Мою полагаю, да паки прииму ю», и тако во всесветлый день сей, Ты, Господи, положил еси начало искупления нашего от грехопадения прародительскаго. Сего ради вся силы небесныя радуются и вся тварь веселится, чающе освобождение свое от работы истления, глаголюще: Прииде просвещение, благодать явися, избавление наста, мир просветися и людие радостию исполняются. Да веселится ныне небо и земля и мир весь да играет; реки да плещут; источники и езера, бездны и моря да срадуются, яко Божественным Крещением освятися днесь естество их. Да радуются днесь и человеков собори, яко естество их взыде ныне паки к первому благородию и вси с радостию да поют: Богоявления время. Приидите мысленно на Иордан, видение велие в нем узрим: Христос ко Крещению грядет. Христос ко Иордану приходит. Христос наши в воде погребает грехи. Христос овца похищенного и заблудшаго приходит искати и обрет е вводит в рай.

Сего Божественнаго таинства воспоминание празднующе, усердно молимся Тебе, Человеколюбче Господи: сподоби нам жаждущим по гласу Твоему приити к Тебе, Источнику присноживотных вод, да почерпем воду благодати Твоея и оставления грехов наших и да отвергшемся нечестия и мирских похотей; целомудренно и девственно, и праведно и благочестно проживем в нынешнем веке, ждуще блаженнаго упования и явления славы Твоея, Великаго Бога и Спаса нашего, да не от дел наших спасеши нас, но по Твоей милости и по обновлению Святаго Духа Твоего банею пакибытия, Егже обильно излил еси, да оправдившися благодатию Его, наследницы будем вечныя жизни во Царствии Твоем, идеже со всеми святыми сподоби нам прославити всесвятое Имя Твое со Безначальным Твоим Отцем и со Пресвятым и Благим и Животворящим Твоим Духом ныне и присно и во веки веков. Аминь.